

Bosna i Hercegovina

Federacija Bosne i Hercegovin

Bosna i Hercegovina

Federacion of Bosnia Hercegovina



Tuzlanski kanton

Općina Kladanj

Canton of Tuzla

Municipalitu Kladanj

TELEFONI: telefon/fax : 035 / 628-460

SLUŽBENI GLASNIK

OPĆINE KLADANJ

BROJ : 6/09

15.09. 2009. GODINE

GLASNIK izdaje Stručna Služba Vijeća i Načelnika

GLASNIK izlazi po potrebi

I AKTA OPĆINSKOG VIJEĆA

1. Odluka o izmjenama i dopunama Budžeta Općine Kladanj za period 01.01. do 31.12. 2009. godinu- REBALANS
2. Odluka o pristupanju izradi Prostornog plana općine Kladanj za period 2009.- 2029. godina
3. Odluka o pretpostavkama, načelima i načinu izrade Programa kapitalnih investicija Općine Kladanj
4. Odluka o usvajanju Općinskog akcionog plana 2009. do 2011.godina
5. Odluka o izmjeni Odluke o utvrđivanju naknade vijećnicima za rad u Općinskom vijeću
6. Odluka o dodjeli na korištenje dobra u općoj upotrebi "Gradski stadion" u Kladnju
7. Plan korištenja javnih površina u naseljenom mjestu Brateljevići
8. Rješenje o imenovanju Komisije za odabir korisnika Projekata povratka korisnika i rekonstrukcije stambenih jedinica na području općine Kladanj
9. Zaključak o prihvatanju Izvještaja o realizaciji odluka Općinskog vijeća Kladanj za period decembar 2008. god. juli 2009. g.
10. Zaključak o prihvatanju Informacije o stanju u oblasti zapošljavanja na području općine Kladanj
11. Zaključak o prihvatanju Informacije o zaštiti životinja od zaraznih i drugih bolesti na području općine Kladanj
12. Zaključak o prihvatanju Informacije o deponijama komunalnog i tehnološkog otpada i mjerama za njihovo uklanjanje
13. Zaključak o prihvatanju Informacije o zdravstvenoj zaštiti i higijensko – epidemijološkoj situaciji na području općine Kladanj
14. Zaključak o prihvatanju Informacije o realizaciji kulturnih i sportskih sadržaja te sadržaja fizičke kulture sa prijedlogom mjera za poboljšanje
15. Zaključak o prihvatanju Informacije o socijalnoj zaštiti i materijalnom položaju stanovništva općine Kladanj
16. Zaključak o prihvatanju Informacije o stanju organizovanosti protivpožarne zaštite i vatrogastva na području općine Kladanj
17. Zaključak o prihvatanju Informacije o deminiranju, kontaminiranim površinama i trajnom obilježavanju rizičnih površina i prikupljanju NUS-a
18. Zaključka o prihvatanju Informacije o opremljenosti operativnog centra Civilne zaštite i njegovo djelovanje na području općine Kladanj
19. Zaključak o prihvatanju nacrta Strategije zapošljavanja na području Tuzlanskog kantona za period 2009. – 2013 godine

II AKTA OPĆINSKOG NAČELNIKA

1. Odluka o pokretanju postupka javne nabavke - Konkurentski zahtjev za dostavljanje ponuda bez dodatnog obavještenja za nabavku usluga - izrada Glavnog projekta „Izgradnja kolektora i kanalizacione mreže u užem centru grada Kladnja”
2. Odluka o dodjeli novčanih sredstava na ime pomoći u saniranju Gradske deponije Stanovi
3. Odluka o pokretanju postupka javne nabavke Direktnim sporazumom za nabavku paketića školskog pribora za - polaznike osnovne škole na području općine Kladanj
4. Rješenje o izmjeni Rješenja o formiranju Prvostepene disciplinske komisije

III AKTA MJESNE ZAJEDNICE

1. Odluka o raspisivanju izbora za članove Vijeća Mjesne zajednice Turalići

Na osnovu člana 16. i 23. Zakona o prostornom planiranju i korištenju zemljišta na nivou Federacije BiH („Službene novine Federacije BiH“, broj 2/06, 72/07 i 32/08), člana 19.i 22.Zakona o prostornom uređenju („Službene novine Tuzlanskog kantona“, broj 3/05), Uredbe o jedinstvenoj metodologiji za izradu planskih dokumenata („Službene novine Federacije BiH“, broj 50/07) i člana 42. Statuta Općine Kladanj - prečišćen tekst („Službeni glasnik Općine Kladanj“, broj 1/01,1/03, 2/04 i 2/05), Općinsko vijeće Kladanj, na sjednici održanoj, 12.08.2009.godine, donosi

O D L U K U

o pristupanju izradi Prostornog plana općine Kladanj za period 2009 - 2029. godine

Član 1.

Pristupa se izradi Prostornog plana općine Kladanj za period od 2009. do 2029.godine (u daljem tekstu Prostorni plan).

Član 2.

Naseljena mjesta u sastavu općine Kladanj su kako slijedi :Brateljevići, Brdijelji, Brgule, Brlošci, Buševo,Crijevići, Dole-dio,Gojakovići, Gojsalići, Goletići, Jelačići, Jošje, Kaštijelj-dio, Kladanj, Konjevići, Kovačići, Krivajevići, Lupoglavo , Mala Kula, Matijevići, Mladovo, Noćajevići, Obrčevac, Olovci, Pauč, Pelemiši - dio, Pepići, Plahovići, Prijanovići, Prijedor, Ravne, Rujići, Starić, Stupari -Centar, Stupari - Novo naselje Stupari-Selo,Suljići, Tarevo, Tuholj, Trnovo -dio,Turalići -dio, Velika Kula, Vranovići, Vučinići i Zagrađe.

Opis granice obuhvata općine Kladanj :

Granici općine Kladanj prema općini Banovići koja polazi sa tromede općina Kladanj, Živinice i Banovići , ide uzvodno sredinom rijeke „Krabanje“ do mjesta gdje se u rijeku Krabanju uliva potok „Skakavac“.Granica dalje produžava uzvodno potokom „Skakavac“ do kraja potoka ispod brda „Jelova glava“ a potom ide u pravcu zapada do kote 1191 na brdu „Mali Konjuh“, zatim ide u pravcu jugozapada do vojnog objekta „Konjuh“ odnosno tromede općina Banovići, Kladanj i Olovo gdje se i završava granica općina Banovići i Kladanj.

Granica općine Kladanj prema općini Olovo polazi sa tromede granica općina Banovići, Kladanj i Olovo i ide u pravcu jugozapada na kotu 1142 „ Zdrjepčev skok “ , granica dalje ide u istom pravcu preko mjesta zvanog „Pšeničište“ a na kotu 1186. Na ovom mjestu granica se blago povija u pravcu juga ide putem do mjesta zvanog „Djevojačko kolo“, granica dalje ide u istom pravcu, a u pravcu „Vrančevog brda“ na kotu 1146. Na koti 1146 granica se lomi u pravcu zapada i ide na kotu 1192 zvanu „Jarašće“.Sa ove kote granica i dalje ide u pravcu zapada dolazi do ušća potoka „Velika Maoča“ i ide u pravcu juga uzvodno potokom zvani „Razbojički potok“ i dolazi do mjesta zvanog „Razbojište“.Sa ovog mjesta granica i dalje ide u pravcu juga dolazi na kotu zv.“Ježevac“, dalje ide u pravcu istoka dolazi do rijeke „Srebrnica“, presijeca rijeku , dolazi do kote 1127 zv.“ Prijebojčić “.Na ovoj koti granica se blago lomi u pravcu jugoistoka, dolazi na kotu 1144 zv.“ Veliki rat“. Sa kote „Veliki rat “ granica dalje ide u pravcu istoka ,presijeca rijeku Borovnica u blizini mjesta „Alijina luka“ gdje dolazi na kotu 928.Sa ove kote granica ide u pravcu istoka do mjesta zvanog „Prijeboj“ a na kotu 1046. Sa ove kote granica ide „ Prijebojskom kosom “ na kotu 1224 odakle igranica ide dalje na kotu 1273 zv.“ Zečiji vrat “ i nastavlja u pravcu istoka na kotu 1113 .Granica odatle ide u pravcu istoka na kotu 1071. Granica dalje ide u istom pravcu i dolazi na kotu zv. „Gradac“ 1137 i dalje ide u istom pravcu preko kote 1061 i dolazi na mjesto zv.“ Karaula“ odakle se granica lomi u pravcu juga presijeca magistralnu cestu Sarajevo -Tuzla , ide putem za mjesto „Drecelj“ u pravcu „ Kuljanskog groblja“ a na kotu 1005 u neposrednoj blizini mjesta zvanog Mala Kula. Sa ove kote granica ide u pravcu juga na kotu 1129 gdje se lomi i nastavlja u pravcu istoka na kotu 1169 , odakle dalje ide u pravcu mjesta zvanog „ Bijela Stijena “ na kotu 1189.Granica dalje ide istim pravcem do mjesta zvanog „Crvenka“ kota 1184. Na ovoj koti granica se lomi i ide u pravcu sjevera na mjesto zvano „ Crna Kosa “ a na kotu 1115 , odakle ide u pravcu istoka, presijeca rijeku Ujiča a na kotu 976.Tu se granica blago lomi u pravcu sjevera, dolazi na kotu „Blizansko brdo“ 1227 , dalje ide u pravcu istoka presijeca potok „Gučina “, prelazi preko mjesta „ Kupinova Kosa “ i dolazi

na kotu 1143 zvanu „ Međeđi vrh “. Sa ove kote granica ide u pravcu sjeveroistoka, dolazi na kotu 1222 a na četveromeđu općina Olovo, Kladanj, Vlasenica i Han Pijesak, gdje se i završava granica općina Olovo i Kladanj.

Granica općine Kladanj prema opštini Vlasenica polazi sa četveromeđe općina Olovo, Vlasenica, Han Pijesak i Kladanj i ide u pravcu sjevera pored kote 1191 gdje se uklapa u entitetsku liniju, prelazi preko mjesta zv. „Rovine“, ide u pravcu mjesta „Popovići“ pored kote 598. Granica dalje ide u pravcu sjevera, presijeca potok zv. „Turalički potok “ pored kote 623 zv. „ Kik “ gdje presijeca magistralnu cestu Kladanj-Vlasenica i ide ispod mjesta zv. „ Umac “ i dolazi na kotu 740. Odatle granica dalje ide u pravcu sjeverozapada pored kote 773 zv. „Veliki vis“ prelazi preko poteza zv. „ Raškovina “ zatim se blago povija do kote 543, nastavlja entitetskom linijom do tromeđe općina Kladanj, Vlasenica i Šekovići gdje se i završava granica općina Vlasenica i Kladanj.

Granica između općine Kladanj i opštine Šekovići polazi sa tromeđe općina Kladanj, Vlasenica i Šekovići, ide entitetskom linijom do tromeđe općina Kladanj, Šekovići i Živinice na kotu zv. „Gradina“, gdje se i završava granica između općina Kladanj i Šekovići.

Granica između općine Kladanj i općine Živinice polazi sa tromeđe općina Kladanj, Šekovići i Živinice, sa mjesta zv. „ Gradina “ kota 805, ide u pravcu juga do kote 752, gdje se blago povija u pravcu sjevera do kote 477 , dalje ide u istom pravcu kosine zv. „ Kozija strana“ do kote 409 a do rijeke Ljuča. Granica dalje ide nizvodno rijekom Ljučom do ušća potoka u rijeku Ljuča ispod „Dugih njiva.“ Na ovom mjestu se granica lomi i ide u pravcu juga do mjesta zv. „ Lončić“ u blizini groblja .Tu se granica lomi i ide u pravcu zapada preko „Ljevašnica“ , presijeca magistralnu cestu Tuzla -Sarajevo, ide uz potok „ Radašnica “, dolazi do izvora zv. „Točak“ pa na kotu 1082 zv. „Butovski vrh“. Na ovoj koti granica nastavlja u pravcu zapada do kote 1016 i nastavlja istim pravcem na kotu 1177 gdje se lomi i ide u pravcu jugozapada na kotu 1075 preko „ Butkovskog krša “ na kotu 1037 i dolazi namjesto zv. „Troš kamen “, gdje se lomi i ide u pravcu sjeverozapada preko kote 852 i kote 837 dolazi na kotu 718. Odatle granica ide u pravcu sjevera putem, dolazi na ušće Studešnica i Oskova a na tromeđu općina Banovići, Živinice i Kladanj, gdje se i završava granica između općina Kladanj i Živinice.

Opis granične linije izvršen je prema ranije utvrđenim granicama postojećih geodetskih karti.

Ukupna površina općine Kladanj iznosi 325 km².

Grafički prilog sa ucrtanom granicom općine Kladanj je sastavni dio ove Odluke.

Član 3.

Prostorni plan donosi se na period od 20 godina, odnosno za period od 2009 - 2029.godine.

Član 4.

Prostorni plan izradit će se u skladu sa sadržajem koji je za ovu vrstu planova utvrđen Zakonom o prostornom planiranju i korištenju zemljišta na nivou Federacije BiH („Službene novine Federacije BiH“, broj 2/06, 72/07 i 32/08) , Zakona o prostornom uređenju („Službene novine Tuzlanskog kantona“, broj 3/05) i Uredbom o jedinstvenoj metodologiji za izradu planskih dokumenata („Službene novine Federacije BiH“, broj 50/07).

Član 5.

Program aktivnosti i Plan aktivnosti za pripremu i izradu Prostornog plana izradit će Nosilac pripreme u saradnji sa Nosiocem izrade Prostornog plana.

Smjernice za izradu Prostornog plana će donijeti Općinsko vijeće Kladanj posebnom odlukom a u skladu sa Uredbom o jedinstvenoj metodologiji za izradu planskih dokumenata („Službene novine Federacije BiH“, broj 50/07).

Član 6.

Rok za izradu Prostornog plana je 1 (jedna) godina od stupanja na snagu ove Odluke. Plan će se raditi po fazama izrade Prostornog plana kako slijedi:

I FAZA - PRIPREMA IZRADE PLANA

- Donošenje Odluke o pristupanju izradi Prostornog plana općine Kladanj;
- Izrada Programa i plana aktivnosti za pripremu i izradu Prostornog plana koji će se usvojiti na sjednici Općinskog vijeća;
- Donošenje smjernica za pripremu i izradu Prostornog plana;
- Priprema i izrada Prostorne osnove.

II FAZA

- Izrada prednacrt , nacrt i Prijedloga Prostornog plana;

III FAZA

- Donošenje Prostornog plana čiji je sastavni dio Odluka o provođenju Prostornog plana općine Kladanj za period 2009 – do 2029.godine.

Rokovi izrade po fazama utvrdit će se u Programu i planu aktivnosti za pripremu i izradu Prostornog plana.

Član 7.

Sredstva za studije, elaborate i podloge potrebne za izradu Prostornog plana, troškove Savjeta Plana kao i dodatna sredstva za angažovanje eksperata iz pojedinih oblasti na izradi Prostornog plana i dodatne materijalne troškove obezbjedit će se iz budžeta Općine Kladanja.

Član 8.

Nosilac pripreme za izradu Prostornog plana je Općinski načelnik i Služba za geodetske, imovinsko pravne poslove i prostorno uređenje (u daljem tekstu:nosilac pripreme Prostornog plana).

Nosilac pripreme Prostornog plana dužan je osigurati saradnju i usaglašavanje sa svim subjektima planiranja.

Član 9.

Nosilac izrade Prostornog plana utvrdit će se posebnim ugovorom u skladu sa Zakonom o javnim nabavkama u BiH.

Član 10.

Nosilac pripreme Prostornog plana će posebnim aktom formirati Savjet Plana sastavljen od stručnih, naučnih, javnih i drugih lica za potrebe stručnog praćenja, usmjeravanja i utvrđivanja koncepta prostornog uređenja Prostornog plana i druge aktivnosti u ime nosioca pripreme za izradu Plana.

Član 11.

Nosilac pripreme obavezan je izraditi Program uključivanja javnosti u proces pripreme i izrade Plana.

Program uključivanja javnosti je dio Programa i plana aktivnosti za pripremu i izradu Prostornog plana.

Programom uključivanja javnosti definirati načine uključivanja javnosti (organiziranje tribina, okruglih stolova, javnih rasprava i drugih oblika uključivanja javnosti) u svim fazama pripreme i izrade Prostornog plana.

Član 12.

Nosilac pripreme Prostornog plana će Nacrt Prostornog plana staviti na javni uvid i raspravu. Detalje javnog uvida i rasprave nosilac pripreme Prostornog plana će oglasiti putem sredstava javnog informisanja.

Nakon sumiranja rezultata javne rasprave nosilac pripreme će putem nosioca izrade Prostornog plana pripremiti prijedlog Prostornog plana i dostaviti ga Općinskom vijeću radi donošenja.

Uz prijedlog Prostornog plana, nosilac pripreme je dužan Općinskom vijeću dostaviti uz obrazloženje, prijedloge i mišljenja na Nacrt Prostornog plana date kroz javnu raspravu, a koji nisu mogli biti prihvaćeni.

Prije donošenja Prostornog plana nosilac pripreme je dužan pribaviti saglasnost Ministarstva prostornog uređenja i zaštite okolice TK.

Član 13.

Nosilac pripreme za izradu Prostornog plana će obezbjediti uslove da se nosiocu izrade Prostornog plana stavi na raspolaganje dokumentacija relevantna za izradu Prostornog plana.

Član 14.

Nosilac izrade Prostornog plana dužan je izraditi Prostorni plan u skladu sa zakonima, propisima donesenim na osnovu zakona, te u skladu sa ovom Odlukom i svim drugim relevantnim propisima i podacima koji su značajni za područje općine Kladanj.

Član 15.

Nosilac izrade Prostornog plana dužan je svaku fazu Prostornog plana izraditi u skladu sa podacima koji su mu stavljeni na raspolaganje i pribavljeni od nadženih organa i organizacija u toku rada na Prostornom planu a od značaja su za prostorno uređenje područja općine Kladanj.

Nosilac izrade Prostornog plana mora osigurati usaglašenost Prostornog plana sa dokumentom prostornog uređenja šireg područja.

Član 16.

Nosilac pripreme za izradu Prostornog plana dužan je osigurati saradnju i usaglašavanje stavova sa subjektima planiranja, odnosno sa relevantnim učesnicima u njegovoj izgradnji i uređivanju, a naročito sa nadležnim organima uprave, društvima i drugim pravnim licima nadležnim za vodoprivredu, šumarstvo, poljoprivredu, saobraćaj, energetiku, rudarstvo, turizam, zdravstvo, obrazovanje, kulturu, zaštitu kulturno-historijskog i prirodnog naslijeđa, zaštitu okoliša, organima nadležnim za odbranu, privrednom komorom, društvima i drugim pravnim licima nadležnim za komunalne djelatnosti, predstavnicima vjerskih zajednica, vlasnicima i korisnicima prostora, te pribaviti mišljenja i saglasnosti nadležnih organa i organizacija na koje ih zakon obavezuje.

Član 17.

Postupak razmatranja i donošenja Prostornog plana sprovest će se u skladu sa odredbama Zakona o prostornom planiranju i korištenju zemljišta na na nivou Federacije Bosne i Hercegovine („Službene novine Federacije BiH“, broj 2/06), Zakona o prostornom uređenju („Službene novine Tuzlanskog kantona“, broj 3/05) i Uredbom o jedinstvenoj metodologiji za izradu planskih dokumenata („Službene novine Federacije BiH“, broj 50/07).

Član 18.

Do donošenja Prostornog plana općine Kladanj primjenjivat će se Prostorni plan Tuzlanskog kantona 2005-2025 i važeći planski dokumenti.

Član 19.

Odluka stupa na snagu danom objavljivanja u „Službenom glasniku Općine Kladanj“.

OPĆINA KLADANJ
OPĆINSKO VIJEĆE
Broj:01- 23-2923/09
Kladanj: 12.08.2009.godine

PREDSJEDAVAJUĆI
Općinskog vijeća
Nijaz Čorbić, v.r.

Na osnovu člana 42.Statuta Općine Kladanj- prečišćen tekst („Sl. glasnik Općine Kladanj“, broj:1/01,1/03,2/04 i 2/05),a u skladu sa Memorandumom o razumijevanju zaključenim dana 05.03.2008. godine, između Općine Kladanj i Projekta Upravne Odgovornosti u BiH (GAP) Općinsko vijeće Kladanj, na sjednici održanoj dana 12.08.2009. godine, d o n o s i

O D L U K U
o pretpostavkama, načelima i načinu izrade
Programa kapitalnih investicija Općine Kladanj

Član 1.

Usvajaju se pretpostavke, načela i način izrade Programa kapitalnih investicija –(u daljem tekstu PKI) Općine Kladanj, u skladu sa Aneksom I koji je sastavni dio ove Odluke.

Član 2.

Pristupa se izradi Programa kapitalnih investicija Općine Kladanj za period 2010-2012 godina.

Član 3.

Općinski načelnik se obavezuje da izradi i predloži Općinskom vijeću u formi nacrtu i prijedloga Program kapitalnih investicija u roku od 3 (tri) mjeseca od dana stupanja na snagu ove Odluke.

Član 4.

Ova Odluka stupa na snagu danom objavljivanja u „Službenom glasniku Općine Kladanj“.

OPĆINA KLADANJ
OPĆINSKO VIJEĆE
Broj:01- 28- 2924/09
Kladanj, 12.08. 2009.godine

PREDSJEDAVAJUĆI
Općinskog vijeća
Nijaz Čorbić, v.r.

Anex I sastavni dio Odluke o pretpostavkama načelima i načinu izrade Programa kapitalnih investicija Općine Kladanj, broj : 01-28-2924/09 od 12.08. 2009. godine.

ANEKS I

PRETPOSTAVKE, NAČELA I NAČIN STVARANJA KAPITALNIH INVESTICIJA OPĆINE

I. Opšte pretpostavke

- 1) Program kapitalnih investicija (u daljem tekstu Program) predstavlja višegodišnji plan razvoja općine i poboljšanja standarda u sferi upravljanja javnim dobrima Općine. Njegov cilj je utvrditi, u okvirima važećih zakonskih propisa i na osnovu organizacionih i finansijskih mogućnosti, visinu dugoročnih izdataka za organizovanu izgradnju, modernizaciju i poboljšanje tehničke i društvene infrastrukture općine. Program takođe predstavlja osnovni mehanizam koordinacije procesa realizacije investicija.
- 2) Načela i kriteriji za ocjenjivanje investicionih projekata će uzimati u obzir sljedeće:
 - potrebu dosljednog poboljšanja kvaliteta života građana;
 - neophodnost unapređenja uslova za funkcionisanje privrede u gradu;
 - kulturne, ekološke i prostorne uslove koje Općina postavlja;
 - uticaj procesa realizacije Programa na podsticanje sveopćeg razvoja općine i na privlačenje inostranog investicijskog kapitala.
- 3) Pri donošenju odluka o uključivanju pojedinih projekata u Program kapitalnih investicija, prednost će imati investicije:
 - čija je realizacija neophodna kako bi se ispunili zakonski uslovi;
 - koje su započete i čiji je nastavak neophodan kako bi se postigao predviđeni efekat;
 - koje omogućavaju smanjenje tekućih budžetskih izdataka kroz smanjenje troškova održavanja ili obima posla, ili doprinose rastu općinskih prihoda;
 - koje obezbjeđuju ili unapređuju pružanje usluga znatnom broju građana;
 - koje su u skladu sa općim očekivanjima javnosti;
- 4) Kriterije rangiranja investicionih projekata i principe za njihovo bodovanje su utvrđeni u članu 4. Odluke o anketi kao sredstvu za utvrđivanje prioriteta u mjesnim zajednicama i kriterijima za određivanje prioriteta („Sl. glasnik Općine Kladanj“, broj : 5%05).
- 5) Konačna lista investicionih projekata, prema prihvaćenim kriterijima, će u okviru Programa kapitalnih investicija biti prilagođena, u svom finansijskom nivou, sljedećem:
 - višegodišnjoj projekciji općinskih prihoda;
 - višegodišnjoj procjeni općinskih tekućih troškova;
 - stanju raspoloživih sredstava, za svaku godinu posebno, kao i dugoročno;
 - politici finansiranja investicija uz pomoć instrumenata zaduživanja u skladu sa zakonom o dugu, zaduživanju i garancijama BIH
 - mogućnostima finansiranja investicija iz spoljnjih izvora kapitala u okviru partnerstva između javnog i privatnog sektora i ostalog.

II. Principi za razrađivanje Programa kapitalnih investicija

- 1) Program kapitalnih investicija će biti:
 - trogodišnji program;
 - program progresivnog karaktera, što znači da će nakon realizacije projekata predviđenih za I godinu biti dopunjavan projektima za novu, treću godinu, koja zaokružuje Program. Istovremeno, ukoliko bude potrebno, biće ažuriran za naredne dvije budžetske godine;
 - usvojen od strane Općinskog vijeća uz usvajanja budžeta za narednu godinu;
 - osnova za izradu investicionog aneksa budžeta za naredne godine;
 - program koji će obuhvatati općinske investicije u vrijednosti preko 10.000, 00 KM koje provodi nadležna općinska služba (novi građevinski i tehnički poduhvati, ulaganje u rekonstrukciju /obnovu, investicije u cilju modernizacije, investicijska kupovina, poboljšanje);
 - pripreman na osnovu jedinstvenog obrasca tzv. Prijedloga za investiranje, dostavljenog u formi koju usvoji Koordinacioni tim, a Prijedlog za investiranje mogu dostaviti: MZ-ca, građani pojedinačno, vijećnici, komisije Općinskog vijeća, službe za upravu u Općini i drugi organi, subjekti , udruženja građana i fondacije.

III. Način razrađivanja Programa kapitalnih investicija

- Rad na Programu će predvoditi Koordinacioni tim, kojeg će imenovati Općinski načelnik, u saradnji sa pojedinim organizacionim jedinicama Općine, naročito sa Službom za finansije, poduzetništvo i lokalni ekonomski razvoj;
- Načelnik općine će imenovati sastav Koordinacionog tima za rad na Programu i odrediti okvir kompetencija članova tima. Ovaj tim će se sastojati od stručnjaka zaposlenih u općinskoj upravi, predstavnika komisija Općinskog vijeća i načelnika Općine Kladanj. U sastav tima treba da uđu i predstavnici lokalnih udruženja građana;
- Tim će utvrđivati listu investicionih projekata prihvaćenih za preliminarnu analizu, dodjeljivati bodove pojedinim projektima, rangirati ih prema broju bodova, kao i proslijediti Program kapitalnih investicija Općinskom načelniku. Lista prioriternih investicija, kako novih tako i onih koje se nastavljaju od ranije, nakon što je Općinski načelnik usvoji, će biti osnova za izradu nacrtu Programa i prosljeđivanje Općinskom vijeću na usvajanje;
- Općinski načelnik će u formi odluke odrediti plan i dinamiku rada na Programu, za vremenski period od 2010. – 2012. godine.

Na osnovu člana 42. Statuta Općine Kladanj -prečišćen tekst („Sl. glasnik Općine Kladanj“, broj:1/01, 1/03, 2/04 i 2/05), a u skladu sa Memorandumom o razumijevanju zaključenim dana 05.03.2008. godine, između Općine Kladanj i Projekta Upravne Odgovornosti u BiH, Općinsko vijeće Kladanj, na sjednici održanoj 12.08.2009. godine, d o n o s i

O D L U K U
o usvajanju Općinskog akcionog plana 2009. – 2011. godina

Član 1.

Usvaja se Općinski akcioni plan 2009. – 2011. godine, (u daljem tekstu: MAP-a), za kontinuirano unapređenje općinske uprave u saradnji sa Projektom Upravne Odgovornosti u Bosni i Hercegovini.

Član 2.

Za realizaciju MAP-a iz člana 1.ove Odluke zadužuje se Radna grupa imenovana Odlukom Općinskog načelnika, broj:02-14- 1949/09 od 10.06.2009. godine.

Član 3.

Ova Odluka stupa na snagu danom objavljivanja u „Službenom glasniku Općine Kladanj“.

OPĆINA KLADANJ
OPĆINSKO VIJEĆE
Broj:01- 49- 2925%09
Kladanj, 12.08.2009. godine

PREDSJEDAVAJUĆI
Općinskog vijeća
Nijaz Čorbić, v.r.

Na osnovu člana 27. i 42. Statuta Općine Kladanj - prečišćen tekst ("Službeni glasnik Općine Kladanj", broj: 1/01, 1/03, 2/04 i 2/05), Općinsko vijeće Kladanj na sjednici održanoj 14.08.2009.godine, donosi

ODLUKU
o izmjeni Odluke o utvrđivanju naknade vijećnicima za rad u Općinskom vijeću

Član 1.

U Odluci o utvrđivanju naknade vijećnicima za rad u Općinskom vijeću („Službeni glasnik Općine Kladanj“, broj: 2/05, 5/05, 3/06 i 7/07), u članu 2. stav 1. broj „500,00“ zamjenjuje se brojem „450,00“. U stavu 2. broj „50,00“ zamjenjuje se brojem „45,00“.

Član 2.

Član 3. mijenja se i glasi:

„Član 3.

Predsjedniku, zamjeniku i članovima radnih tijela Vijeća za prisustvo sjednici radnog tijela pripada naknada i to:

- predsjedniku	70,00 KM
- zamjeniku	60,00 KM
- članu	50,00 KM“.

Član 3.

Član 4. se briše.

Član 4.

Ova Odluka stupa na snagu danom objavljivanja u „Službenom glasniku Općine Kladanj“.

OPĆINA KLADANJ
OPĆINSKO VIJEĆE
Broj: 01-14-14- 2926/09
Kladanj, 14.08.2009.godine

PREDSJEDAVAJUĆI
Općinskog vijeća
Nijaz Čorbić, v.r.

Na osnovu člana 13. Zakona o principima lokalne samouprave i tačke IV Odluke o uslovima i načinu dodjele na korištenje dobara u općoj upotrebi („Službeni glasnik Općine Kladanj“, broj: 1/04) i člana 42. Statuta Općine Kladanj– prečišćen tekst („Službeni glasnik Općine Kladanj“, broj: 1/01, 1/03, 2/04 i 2/05), Općinsko vijeće Kladanj na sjednici održanoj dana 14.08.2009. godine, d o n o s i

O D L U K U
o dodjeli na korištenje dobra u općoj upotrebi
„Gradski stadion“ u Kladnju

Član 1.

Ovom Odlukom UG Nogometnom klubu „Konjuh“ Kladanj koje obavlja djelatnost od općeg interesa dodjeljuje se na korištenje dobro u općoj upotrebi „Gradski stadion“ u Kladnju u površini utvrđenoj u Odluci o proglašenju dobara u općoj upotrebi.

Član 2.

Javno dobro iz člana 1. ove Odluke daje se na korištenje na period od 2 godine uz naknadu. Naknada se sastoji u obavezi Nogometnog kluba iz člana 1. ove Odluke u redovnom održavanju, zaštiti objekta od propadanja, i sanaciji nastalih oštećenja na objektu, kao i čišćenju, zalijevanju i košenju trave, radi privođenja istog krajnjoj namjeni.

Član 3.

Ovlašćuje se Općinski načelnik da sa Nogometnim klubom iz člana 1. ove Odluke zaključi ugovor o korištenju dobra u općoj upotrebi.

Član 4.

Odluka stupa na snagu danom objavljivanja u „Službenom glasniku Općine Kladanj“.

OPĆINA KLADANJ
OPĆINSKO VIJEĆE
Broj:01- 23- 2927/09
Kladanj, 14.08.2009. godinu

PREDSJEDAVAJUĆI
Općinskog vijeća
Nijaz Čorbić, v.r.

Na osnovu člana 13. Zakona o principima lokalne samouprave („Sl.novine Federacije BiH“br.49/06) 2/05) člana 42.Statuta Općine Kladanj-prečišćen tekst („Sl.glasnik Općine Kladanj“, br:1/01.1/03,2/04i 2/05)a u vezi sa članom 44.Odluke o komunalnom redu („Sl.glasnik Općine Kladanj“,br.5/01)Općinsko vijeće Kladanj, na sjednici održanoj dana 07.08.2009.godine, donosi

P L A N

korištenja javnih površina u naseljenom mjestu Brateljevići

Član 1.

Ovim Planom utvrđuju se lokacije, propisuju uslovi i način korištenja javnih površina, izdavanje odobrenja za korištenje javnih površina u naseljenom mjestu Brateljevići MZ Kladanj kao i nadzor nad sprovođenjem Plana, a u skladu sa Odlukom o komunalnom redu („Sl.glasnik Općine Kladanj“,br.5/01).

Član 2.

Javnim površinama smatraju se:

-javne saobraćajne površine:ulice,ceste,trgovi,mostovi,javna parkirališta,trotoari i javna stepeništa kao i ostale površine javnog saobraćaja u mirovanju;

-javne zelene površine: drvoređi,travnjaci, obale rijeka i vodotoka, dječija igrališta,sportski poligoni,zelene površine uz cestu u naselju, uz stambeno-poslovne i javne objekte, rekreacione površine, te ostali javni sportski objekti i uređaji na njima, kao i prostori povezani s tim terenima i oko njih.

Zelene površine uz cestu izvan naselja u granicama obuhvata ovog Plana.

Član 3.

Pod korištenjem javne površine smatra se:

-Postavljanje ljetnih bašti koje nisu sastavni dijelovi postojećih objekata i prostorija, postavljanje pokretnih objekata na točkovima, tezgi, rashladnih uređaja,stolovi za prodaju cvijeća,knjiga, ukrasnih predmeta,odjevnih predmeta,obuće,igračke, i dr.

-Postavljanje bašti,tendi,šatora, i privremenih prodajnih i izložbenih mjesta ispred poslovnih objekata i prostorija, postavljanje zabavnih parkova,ringišpila, cirkuskih šatri i drugih sportskih i zabavnih sadržaja, korištenje javnih površina i nezgradjenog građevinskog i ostalog zemljišta koje su u posjedu općine Kladanj za namjenu organiziranja parkirališta kao sastavnog dijela ugostiteljskog ili drugog objekta, a radi obavljanja ugostiteljske,zabavne,sportske ili druge djelatnosti.

Član 4.

Odobrenje za privremeno korištenje javnih površina donosi Služba nadležna za poslove komunalne djelatnosti.

Odobrenje za privremeno korištenje javnih površina obavezno sadrži:površinu koja se zauzima,vrstu objekta,namjenu, vremenski period, visinu i način plaćanja, odobrenje za rad i slično.

Odobrenje iz predhodnog stava izdaje se na osnovu uslova koji se utvrđuju u urbanističkoj saglasnosti koju izdaje Služba nadležna za poslove urbanizma izuzev odobrenja za jednodnevno korištenje javnih površina koje se izadju na osnovu utvrđenih lokacija utvrđenih u grafičkom prikazu koji je prilog ovog Plana.

Član 5.

Sredstva prikupljenja od jednodnevnih odobrenja za korištenje javnih površina koristiti će se za finansiranje troškova organizacije i uređenja javnih površina na tom lokalitetu prije i nakon održavanja kulturnih i vjerskih manifestacija, a višak sredstva će se odobriti za rad Mjesne zajednice Kladanj.

Član 6.

Odobrenja za korištenje javnih površina izdaju se na osnovu pojedinačnih zahtjeva ili putem javnog poziva na lokacijama utvrdjenim Planom, označenim u grafičkom prilogu Plana.

Član 7.

Za korištenje javne površine plaća se naknada prema Odluci o visini naknade za zauzimanje dijela javne površine na području općine Kladanj, koju donosi općinski načelnik.

Izdavanjem odobrenja stiču se uslovi za korištenje javne površine.

Član 8.

Korisnici površina dužni su održavati površinu u urednom stanju.

Nepridržavanje uslova definisanih odobrenjem o korištenju javne površine povlači za sobom gubitak prava na korištenje javne površine.

Član 9.

Za provođenje Plana zadužuje se Služba nadležna za poslove urbanizma i Služba nadležna komunalne poslove.

Član 10.

Sastavni dio ovog Plana je grafički prikaz od 2 lista formata A3 i dva lista formata A4.

Član 11.

Ovaj Plan stupa na snagu danom objavljivanja u „Službenom glasniku Općine Kladanj“.

OPĆINA KLADANJ
OPĆINSKO VIJEĆE
Broj:01-23-2928/09
Kladanj, 07.08.2009. godine

PREDSJEDAVAJUĆI
Općinskog vijeća
Nijaz Čorbić, v.r.

Na osnovu člana 22. do 31. Uputstva o načinu i procedurama odabira korisnika projekata i rekonstrukcije stambenih jedinica („Sl. glasnik Bosne i Hercegovine“, broj: 48/06), te člana 42. Statuta općine Kladanj-prečišćen tekst („Sl. glasnik Općine Kladanj, “ broj: 1/01,1/03,2/04 i 2/05), Općinsko vijeće na sjednici održanoj dana 14.08. 2009. godine ,d o n o s i

R J E Š E N J E
o imenovanju Komisije za odabir korisnika Projekata povratka i rekonstrukcije stambenih jedinica na području općine Kladanj

Član 1.

U Komisiju za odabir korisnika Projekata povratka i rekonstrukcije stambenih jedinica u svrhu povratka , imenuju se :

1. Mešković Hajrudin, predstavnik Općinskog vijeća,
2. Šarić Senad, predstavnik Općine Kladanj,
3. Čturić Tomislav, predstavnik UG SGV – Pokret za ravnopravnost- Kladanj,
4. Lekić Dušan, predstavnik UG za povratak i održiv povratak TK,
5. Predstavnik donatora.

Član 2.

Zadaci i način rada Komisije za odabir korisnika Projekata povratka i rekonstrukcije stambenih jedinica u svrhu povratka na području općine Kladanj, utvrdit će se Poslovníkom o radu Komisije, koji će se donijeti na prvoj (konstituirajućoj) sjednici.

Član 3.

Rješenje će se objaviti u „Službenom glasniku Općine Kladanj“ kao i oglasnoj tabli Općine Kladanj.

OPĆINA KLADANJ
OPĆINSKO VIJEĆE
Broj : 01-36- 2929/09
Datum : 14.08. 2009. godine

PREDSJEDAVAJUĆI
Općinskog vijeća
Nijaz Čorbić,v.r.

Na osnovu člana 42., a u vezi sa članom 122. stav 3. Statuta Općine Kladanj- prečišćen tekst ("Sl.glasnik Općine Kladanj", broj: 1/01, 1/03 ,2/04 i 2/05), Općinsko vijeće Kladanj na sjednici održanoj 14.08.2009. godine ,
d o n o s i

ZAKLJUČAK

I

Prihvata se Izvještaj o realizaciji odluka Općinskog vijeća Kladanj za period decembar 2008. godine juli 2009. godine uz sljedeće stavove :

- da se nakon usvajanja Rebalansa Budžeta Općine Kladanj za 2009. godinu provede postupak za realizaciju : Odluke o izmjeni odluke o utvrđivanju načina , uslova i kriterija stipendiranja učenika i studenata, Odluke o kriterijima za raspodjelu sredstava za rad nevladinih organizacija iz Budžeta Općine Kladanj, Odluke o rasporedu i kriterijima za korištenje sredstava podsticaja u zapošljavanju.

- da se za narednu sjednicu Općinskog vijeća dostavi :Izvještaj o toku aktivnosti za izgradnju Sportske dvorane sa posebnim osvrtom na dinamiku pojedinih faza Projekta (rokovi za rješavanje imovinsko pravnih odnosa, postavljanje kamena temeljca i td.) Rješenje o imenovanju komisije za planiranje općinskog razvoja (KPOR).

- da se u skladu sa Odlukom o utvrđivanju platnih razreda i koeficijenata za plaće rukovodećih i ostalih državnih službenik, savjetnika i namještenika u službama za upravu Općine Kladanj ispoštuje rok od 30 dana za izradu Pravilnika o plaćama.

II

Zaključak će se objaviti u "Službenom glasniku Općine Kladanj" .

OPĆINA KLADANJ
OPĆINSKO VIJEĆE

Broj: 01- 05-2930/09
Kladanj,14.08.2009. godine

PREDSJEDAVAJUĆI
Općinskog vijeća
Nijaz Čorbić,v.r.

Na osnovu člana 42., a u vezi sa članom 122. stav 3. Statuta Općine Kladanj- prečišćen tekst ("Sl.glasnik Općine Kladanj", broj: 1/01, 1/03 ,2/04 i 2/05), Općinsko vijeće Kladanj na sjednici održanoj 14.08.2009. godine , d o n o s i

ZAKLJUČAK

I

Prihvata se Informacija o stanju u oblasti zapošljavanja na području općine Kladanj.

II

Zaključak će se objaviti u "Službenom glasniku Općine Kladanj" .

OPĆINA KLADANJ
OPĆINSKO VIJEĆE

Broj: 01- 34-2931/09
Kladanj,14.08.2009. godine

PREDSJEDAVAJUĆI
Općinskog vijeća
Nijaz Čorbić, v.r .

Na osnovu člana 42., a u vezi sa članom 122. stav 3. Statuta Općine Kladanj- prečišćen tekst ("Sl.glasnik Općine Kladanj", broj: 1/01, 1/03 ,2/04 i 2/05), Općinsko vijeće Kladanj na sjednici održanoj 14.08.2009. godine , d o n o s i

ZAKLJUČAK

I

Prihvata se Informacija o zaštiti životinja od zaraznih i drugih bolesti na području općine Kladanj.

II

Zaključak će se objaviti u "Službenom glasniku Općine Kladanj" .

OPĆINA KLADANJ
OPĆINSKO VIJEĆE

Broj: 01- 37-2932/09
Kladanj, 14.08.2009. godine

PREDSJEDAVAJUĆI
Općinskog vijeća
Nijaz Čorbić, v.r.

Na osnovu člana 42., a u vezi sa članom 122. stav 3. Statuta Općine Kladanj- prečišćen tekst ("Sl.glasnik Općine Kladanj", broj: 1/01, 1/03 ,2/04 i 2/05), Općinsko vijeće Kladanj na sjednici održanoj 14.08.2009. godine , d o n o s i

ZAKLJUČAK

I

Prihvata se Informacija o deponijama komunalnog i tehnološkog otpada i mjerama za njihovo uklanjanje i zadužuje Općinski načelnik i nadležne službe za upravu da pokrenu postupak izrade projekta sanacije gradske deponije Stanovi i o tome informišu Općinsko vijeće .

II

Zaključak će se objaviti u "Službenom glasniku Općine Kladanj" .

OPĆINA KLADANJ
OPĆINSKO VIJEĆE

Broj: 01- 23-2933/09
Kladanj, 14.08.2009. godine

PREDSJEDAVAJUĆI
Općinskog vijeća
Nijaz Čorbić, v.r.

Na osnovu člana 42., a u vezi sa članom 122. stav 3. Statuta Općine Kladanj- prečišćen tekst ("Sl.glasnik Općine Kladanj", broj: 1/01, 1/03 ,2/04 i 2/05), Općinsko vijeće Kladanj na sjednici održanoj 14.08.2009. godine , d o n o s i

ZAKLJUČAK

I

Prihvata se Informacija o zdravstvenoj zaštiti i higijensko – epidemijološkoj situaciji na području općine Kladanj uz stav da Služba za društvene djelatnosti i opću upravu i Služba za finansije, poduzetništvo i lokalni ekonomski razvoj u okviru svojih nadležnosti poduzmu aktivnosti za provođenje predloženih mjera i o realizaciji istih informišu Općinsko vijeće .

II

Zaključak će se objaviti u "Službenom glasniku Općine Kladanj" .

OPĆINA KLADANJ
OPĆINSKO VIJEĆE

Broj: 01- 37- 2934/09
Kladanj, 14.08.2009. godine

PREDSJEDAVAJUĆI
Općinskog vijeća
Nijaz Čorbić, v.r.

Na osnovu člana 42., a u vezi sa članom 122. stav 3. Statuta Općine Kladanj- prečišćen tekst ("Sl.glasnik Općine Kladanj", broj: 1/01, 1/03 ,2/04 i 2/05), Općinsko vijeće Kladanj na sjednici održanoj 14.08.2009. godine , d o n o s i

ZAKLJUČAK

I

Prihvata se Informacija o realizaciji kulturnih i sportskih sadržaja te sadržaja fizičke kulture sa prijedlogom mjera za poboljšanje.

II

Zaključak će se objaviti u "Službenom glasniku Općine Kladanj" .

OPĆINA KLADANJ
OPĆINSKO VIJEĆE

Broj: 01- 40-2936/09
Kladanj, 14.08. 2009. godine

PREDSJEDAVAJUĆI
Općinskog vijeća
Nijaz Čorbić, v.r.

Na osnovu člana 42., a u vezi sa članom 122. stav 3. Statuta Općine Kladanj- prečišćen tekst ("Sl.glasnik Općine Kladanj", broj: 1/01, 1/03 ,2/04 i 2/05), Općinsko vijeće Kladanj na sjednici održanoj 14.08. 2009. godine , d o n o s i

ZAKLJUČAK

I

Prihvata se Informacija o socijalnoj zaštiti i materijalnom položaju stanovništva općine Kladanj.

II

Zaključak će se objaviti u "Službenom glasniku Općine Kladanj" .

OPĆINA KLADANJ
OPĆINSKO VIJEĆE

Broj: 01- 35- 2936/09
Kladanj, 14.08.2009. godine

PREDSJEDAVAJUĆI
Općinskog vijeća
Nijaz Čorbić, v.r.

Na osnovu člana 42., a u vezi sa članom 122. stav 3. Statuta Općine Kladanj- prečišćen tekst ("Sl.glasnik Općine Kladanj", broj: 1/01, 1/03 ,2/04 i 2/05), Općinsko vijeće Kladanj na sjednici održanoj 14.08. 2009. godine , d o n o s i

ZAKLJUČAK

I

Prihvata se Informacija o stanju organizovanosti protivpožarne zaštite i vatrogastva na području općine Kladanj i ovlašćuje Općinski načelnik da sa JP"Komunalac" d.d. Kladanj može zaključiti ugovor za angažovanje vatrogasnih vozila u slučaju intervencija i gašenje požara .

II

Zaključak će se objaviti u "Službenom glasniku Općine Kladanj" .

OPĆINA KLADANJ
OPĆINSKO VIJEĆE

Broj: 01- 44-2937/09
Kladanj, 14.08.2009. godine

PREDSJEDAVAJUĆI
Općinskog vijeća
Nijaz Čorbić,v.r.

Na osnovu člana 42., a u vezi sa članom 122. stav 3. Statuta Općine Kladanj- prečišćen tekst ("Sl.glasnik Općine Kladanj", broj: 1/01, 1/03 ,2/04 i 2/05), Općinsko vijeće Kladanj na sjednici održanoj 14.08.2009. godine , d o n o s i

ZAKLJUČAK

I

Prihvata ta se Informacija o deminiranju, kontaminiranim površinama i trajnom obilježavanju rizičnih površina i prikupljanju NUS-a.

II

Zaključak će se objaviti u "Službenom glasniku Općine Kladanj" .

OPĆINA KLADANJ
OPĆINSKO VIJEĆE

Broj: 01- 44-2938/09
Kladanj, 14.08.2009. godine

PREDSJEDAVAJUĆI
Općinskog vijeća
Nijaz Čorbić, v.r.

Na osnovu člana 42., a u vezi sa članom 122. stav 3. Statuta Općine Kladanj- prečišćen tekst ("Sl.glasnik Općine Kladanj", broj: 1/01, 1/03 ,2/04 i 2/05), Općinsko vijeće Kladanj na sjednici održanoj 14.08. 2009. godine , d o n o s i

ZAKLJUČAK

I

Prihvata se Informacija o opremljenosti operativnog centra Civilne zaštite i njegovo djelovanje na području općine Kladanj .

II

Zaključak će se objaviti u "Službenom glasniku Općine Kladanj" .

OPĆINA KLADANJ
OPĆINSKO VIJEĆE

Broj: 01- 44- 2939/09
Kladanj, 14.08.2009. godine

PREDSJEDAVAJUĆI
Općinskog vijeća
Nijaz Čorbić, v.r.

Na osnovu člana 42., a u vezi sa članom 122. stav 3. Statuta Općine Kladanj- prečišćen tekst ("Sl.glasnik Općine Kladanj", broj: 1/01, 1/03 ,2/04 i 2/05), Općinsko vijeće Kladanj na sjednici održanoj 12.08. 2009. godine , d o n o s i

ZAKLJUČAK

I

Prihvata se nacrt Strategije zapošljavanja na području Tuzlanskog kantona za period 2009. – 2013 godine.

II

Zaključak će se objaviti u "Službenom glasniku Općine Kladanj" .

OPĆINA KLADANJ
OPĆINSKO VIJEĆE

Broj: 01- 34-2940/09
Kladanj, 12.08.2009. godine

PREDSJEDAVAJUĆI
Općinskog vijeća
Nijaz Čorbić, v.r.

Na osnovu člana 70. Zakona o organizaciji uprave u Federaciji Bosne i Hercegovine («Službene novine F BiH», broj: 35/05), člana 15. Zakona o principima lokalne samouprave («Službene novine Federacije BiH», broj: 49/06), člana 47. i 131. Statuta Općine Kladanj - prečišćeni tekst («Službeni glasnik Općine Kladanj», broj: 1/01, 1/03, 2/04 i 2/05), a u vezi sa odredbama Zakona o javnim nabavkama u BiH («Službeni glasnik BiH», broj: 3/05, 17/05, 19/05, 52/05, 92/05, 8/06, 24/06, 70/06 i 12/09), Općinski načelnik, d o n o s i

ODLUKU

o pokretanju postupka javne nabavke - Konkurentski zahtjev za dostavljanje ponuda bez dodatnog obavještenja za nabavku usluga - izrada Glavnog projekta „Izgradnja kolektora i kanalizacione mreže u užem centru grada Kladnja”

Član 1.

Ovom Odlukom pokreće se postupak javne nabavke - Konkurentski zahtjev za dostavljanje ponuda bez dodatnog obavještenja za nabavku usluga - izrada Glavnog projekta „Izgradnja kolektora i kanalizacione mreže u užem centru grada Kladnja”.

Član 2.

Vrijednost nabavke iz člana 1. ove Odluke je do 10.000,00 KM u ukupnom iznosu, a sredstva za usluge iz člana 1. ove Odluke obezbijedena su u Budžetu Općine Kladanj za 2009.godinu, ekonomski kod 82152104.

Član 3.

Općinski načelnik će posebnim Rješenjem imenovati Komisiju za odabir najpovoljnijeg dobavljača za usluge iz člana 1. ove Odluke.

Član 4.

Za realizaciju ove Odluke zadužuje se Služba za finansije, poduzetništvo i lokalni ekonomski razvoj.

Član 5.

Ova Odluka stupa na snagu danom donošenja i objavit će se u „Službenom glasniku Općine Kladanj”.

OPĆINA KLADANJ
OPĆINSKI NAČELNIK
Broj: 02-14-2715/09
Kladanj; 21.08.2009.godine

OPĆINSKI NAČELNIK
Fuad Imamović, dipl.ing., v.r.

Na osnovu člana 47. i 131. Statuta Općine Kladanj - prečišćen tekst ("Službeni glasnik Općine Kladanj", broj: 1/01, 1/03, 2/04 i 2/05), a u skladu sa članom 29. tačka 7. Zakona o zaštiti i spašavanju ljudi i materijalnih dobara od prirodnih i drugih nesreća („Sl. novine FBiH“, broj: 39/03 i 22/06), Zaključka Općinskog štaba civilne zaštite broj: 08-44-2769/09 od 27.08.2009.godine i Prijedloga Službe za CZ i poslove BIZ-e broj: 05/1-14-2768/09 od 28.08.2009.godine, Općinski načelnik, d o n o s i

ODLUKU

o dodjeli novčanih sredstava na ime pomoći u saniranju Gradske deponije Stanovi

Član 1.

JP „Komunalac“ d.d. Kladanj dodjeljuju se sredstva u visini od 1.000,00 (hiljadu) KM na ime pomoći u saniranju Gradske deponije Stanovi, a u cilju poduzimanja hitnih interventnih sanitarno-higijenskih i sanitarno-tehničkih mjera, radi zaštite ljudi i materijalnih dobara.

Član 2.

Sredstva za realizaciju ove Odluke su obezbijeđena u Budžetu Općine Kladanj, a ista će se isplatiti sa budžetske pozicije - transfer za prirodne i druge nesreće, ekonomski kod 61424101, i to na žiro-račun korisnika broj: 1321600299900019 koji je otvoren kod NLB Tuzlanske banke u Kladnju.

Član 3.

Korisnik se obavezuje da će dobivena sredstva iz člana 1. utrošiti namjenski za saniranje šteta od tehničko-tehnološke nesreće na Gradskoj deponiji Stanovi.

Član 4.

Za realizaciju ove Odluke zadužuje se Služba za finansije, poduzetništvo i LER i Služba za civilnu zaštitu i poslove BIZ-e.

Član 5.

Ova Odluka stupa na snagu danom donošenja, a objavit će se u «Službenom glasniku Općine Kladanj».

OPĆINA KLADANJ
OPĆINSKI NAČELNIK
Broj: 02-14-2772/09
Kladanj, 28.08.2009.godine

OPĆINSKI NAČELNIK
Fuad Imamović, dipl.ing., v.r.

Na osnovu člana 70. Zakona o organizaciji uprave u Federaciji Bosne i Hercegovine («Službene novine F BiH», broj: 35/05), člana 15. Zakona o principima lokalne samouprave («Službene novine Federacije BiH», broj: 49/06), člana 47. i 131. Statuta Općine Kladanj - prečišćeni tekst («Službeni glasnik Općine Kladanj», broj: 1/01, 1/03, 2/04 i 2/05), a u vezi sa odredbama Zakona o javnim nabavkama u BiH («Službeni glasnik BiH», broj: 49/04, 19/05, 52/05, 8/06, 70/06 i 12/09), odredbi Pravilnika o utvrđivanju postupka i provođenja direktnog sporazuma («Službeni glasnik Općine Kladanj», broj: 1/07 i 8/07) i Pravilnika o izmjeni Pravilnika o utvrđivanju postupka i provođenja direktnog sporazuma broj: 02-14-1801/09 od 05.06.2009.godine), Općinski načelnik, d o n o s i

ODLUKU

o pokretanju postupka javne nabavke Direktnim sporazumom za nabavku paketića školskog pribora za polaznike osnovne škole na području općine Kladanj

Član 1.

Ovom Odlukom pokreće se postupak Direktnog sporazuma za nabavku paketića školskog pribora za polaznike osnovne škole na području općine Kladanj.

Član 2.

Vrijednost nabavke iz člana 1. ove Odluke je do 1.000,00 KM bez uračunatog PDV-a, a sredstva za robe iz člana 1. ove Odluke obezbijedena su u Budžetu Općine Kladanj za 2009.godinu ekonomski kod 613411.

Član 3.

Za realizaciju ove Odluke zadužuje se Služba za civilnu zaštitu i poslove BIZ-a i Služba za društvene djelatnosti i opću upravu.

Član 4.

Ova Odluka stupa na snagu danom donošenja i objavit će se u „Službenom glasniku Općine Kladanj“.

OPĆINA KLADANJ
OPĆINSKI NAČELNIK
Broj: 02-14-2789/09
Kladanj, 31.08.2009.godine

OPĆINSKI NAČELNIK
Fuad Imamović, dipl.ing., v.r.

Na osnovu člana 61. Zakona o namještenicima u organima državne službe u Federaciji Bosne i Hercegovine («Sl. novine F BiH», broj: 49/05) i Prijedloga Sindikalne organizacije Općine Kladanj broj: 16/09 od 24.08.2009.godine, donosim

R J E Š E N J E
o izmjeni Rješenja o formiranju
Prvostepene disciplinske komisije

I

U tački I Rješenja o formiranju Prvostepene disciplinske komisije ("Službeni glasnik Općine Kladanj", broj: 1/08) ime Šaha Mazalović zamjenjuje se imenom Senad Šarić.

II

Ovo Rješenje stupa na snagu danom donošenja, a objavit će se u "Službenom glasniku Općine Kladanj".

OPĆINA KLADANJ
OPĆINSKI NAČELNIK
Broj : 02-05-2738/09
Kladanj, 31.08.2009.godine

OPĆINSKI NAČELNIK
Fuad Imamović,dipl.ing.,v.r.

Na osnovu člana 17. i člana 63. Statuta Mjesne zajednice Turalići („Službeni glasnik Općine Kladanj“, broj: 4/04 i 3/05), Vijeće Mjesne zajednice Turalići na sjednici održanoj dana 26.08.2009.godine, donosi

O D L U K U
o raspisivanju izbora za članove Vijeća Mjesne zajednice Turalići

Član 1.

Raspisuju se izbori za članove Vijeća Mjesne zajednice Turalići.

Član 2.

Izbori će se održati dana 15.09.2009.godine na platou Lipa sa početkom u 18 sati.

Član 3.

Odluka stupa na snagu danom donošenja i objavit će se u „Službenom glasniku Općine Kladanj“.

MJESNA ZAJEDNICA TURALIĆI
VIJEĆE MJESNE ZAJEDNICE TURALIĆI
Broj: 18/09
Datum: 26.08.2009.godine

Predsjednik Vijeća
Ismet Hasanović, v.r.